



# LAAVENNA ARO TŠEERIBI

*-neevibosko liin 1/2017*

## Aktuaalo Laavenna aro tšeeribi – hankibossa

Tšiňko drabiboskero,

aro to vast hin pherto džaanibosko moňto Laavenna aro tšeeribi –hankibosko aktuaale saakenna. Dai liin ame rakkavaha

- hyöstako tiija 2016 stellime, romano saakengo rakkibosko komiteosko vollako bolibosko tšetanes tenkime divisenna
- voorosko tiija 2017 stellime, dielos liijime fanibi aro Baro Fooros, Gruopako ta Kajanisko fooros

Liinesko ħluutiba tu laňheha aro hankiba butti tšeerime komujengo kontaktosko džaanibi. Följime neevibosko liin vela aro niijalesko tšoon.

Tšiňka drabibosko tiiji!

---

## Aro romano saakengo komiteosko tšetanes tenkime divisa sas saaka tšiňko aaňhibosta ta sastibosta

Romano saakengo komitiengo vollako bolibosko tšetane tenkime divisa stellade 12.-13.10.2016 aro Džiuvesko gau theemaha “Tšiňko aaňhibosta, sastiba ta staaviba” sar dielos Laavenna aro tšeeriba –hankibosta. Tšetano tenkibosko divisa samlade tšetanes neer oňtavardeň phuujengo naalune, ekspertita ta romano saakengo komiteosko ta stedesko gruppengo lendi te ħunnen rakkibi ta te rakkaven maňkar peen.

### So Laavenna aro tšeeribi – hankiba hin?

Laavenna aro tšeeribi hin sosiaalo- ta sastibosko ministeriosko koordime EU-guruň ħ engo hankiba. Hankibosko objektos hin te fendjaves ta följaves romano politikako programmos (ROMPO) doolesko pinsiba aro thaanesko- ta stedesko ħ leetiba, te ħ aň taves thaanengo ta stedengo verkengo föddiba romanengo, ħ ougaajengo ta vaure tšeeribongiirengo maň kar ROMPO: sko tšeeribosko tšuuuibosko fendjiboske ta panna te boň laves džaaniba tšiň ka praktiseerenna aro thaanesko- ta thaan ħ leetibosko tšeeribosko tšuuuibossa. Hankiba tšeeraha aro tšetano butti saare thaanengo romano saakengo komiteonsa.

Aro tšetane tenkibosko divisa ħ unjam rakkibi fallibosko naalunenna, ekspertenna, hankibosko ta stellibosko tšeeribongiirena ta doolenna koon tšeerena horttas douva butti aro tšarjako ħ leetiba. Aro tšetano tenkibosko divisa sas maň kurnes douva butti so sas tšerdo aro Džiuvesko gau, staavime hankibi ta aktuaale fanibi aro romanengo feldos ta panna Tšiň ko aaň ħ iba, sastiba ta staaviba –theema. Faniba dias buutringako ta aktuaale džaaniba romano feldako tšeeribongiirengo ta panna foorumesko saakenna aro rakkiba ta tšiň ka praktiseerengo dielibas. Divisengo tiija rakkiba sas aktivikaano ta aro kommentita veegade spesiaales phirro rakkibosko ta aro felda diijime phukibosko veeriba.

# LAAVENNA ARO TŠEERIBI

*-neevibosko liin 1/2017*

## Tšetanes tšeeriba ta hajiba – neevibi thaanengo fanibonna

Laavenna aro tšeeriba –hankiba stelladas tšetanes romano saakengo komitiensa triin thaanengo faniba aro vooros 2017 tiija.

Sigide vooresko fanibi Laavenna aro tšeeribi –hankiba stelladas skoolibosko diives thaanengo fanibongo stellibongiirenge ta tšeeribongiirenge. Aro skoolibosko diives dzejiam džeenom Monkey Business –streenibosko firmako liedibossa sar te liedavaa –metodosko paalal, so hyövidam aro sakka thaanesko faniba. Skoolako diives diias vojibi te pinsaven aro metodos sigide ka thaanengo fanibi byrjudiine. Aro skooliba panna tenkade aavime fanibongo theemen ta puñhibi.

Dala fanibongo iek objektos sas te rakkaven neeride Romano politiako programos, ta fendjibosko feeri sar te pherdavaa ta džoraves thaanengo ta lokaalengo verki, kaalengo, ĥougaajengo ta vaure tšeeribongiirengo mañkar. Sakka faniba planeerade tšetanes thaanengo tšeeribongiirensa te svaaraven aro thaanengo hyövibi. Jakkes ame vojudam te planeeraven sakka faniba reetes aro thaanesko haagibosko paalal.

## Aro Baro Fooros sas aktivikaane rakkiba phuuajako politikata ta džintengo paribosta


Thaanengo fanibi byrjydiine 9.3.2017 aro Baro Fooros. Rakkibongo theemi sas neer aavime phuuajako velkibosta ta phuuajako politikata. Neer 30 komuja ĥunjudiilo aro samlime gruppos, koone sas phuuajako velkibosko alsiboskiire, politikakiire, phuuajako buttiakiire ta vaure romano saakengo lokaale aktibongiirensa.



Aro faniba aprade naal džintengo merkniba so gaajen hin kajo kaalen ta so kaalen hin kajo gaajen. Tšetanes tenkade, te konkretikaano maneera te parujen džinta hin horttas ajasavo dikkibi sar kentengo streenibi, skoolibosko staaviba, so dena vojiba te pinsuven komujen ta te beskjuven naalune tenkibi. Aavime phuuajako velkibi dristade romaseelen te len dielos aro politika ta te fendjaven pengo saakako pinsiba.

## Hilovollime tšiñko aañhiba ta buttiako dživiba sas saaka katta rakkade aro Gruopako Fooros

Aro Gruopako fooros 29.3.2017 sas stellime faniba so samladas neer 20 komuja organisatienna foorosko vollibosta ta khangarjata te rakkaven tšetanes hilovollako tšiñko aañhibosta ta doolesko fendjibosta.



# LAAVENNA ARO TŠEERIBI

*-neevibosko liin 1/2017*

Aro faniba tenkade paalal tšiňko aaňhibosta sar boňlo tenkiba, so aprula froo dživibosko thaanenna ka doola hin it-veegimes. Tšetano tšeeriba sar froo fanibi, kampi ta konserti hin dola fuortune instrumenti, kooneha vojuvaha te barjuven tšetano aaňhiba.

Butti sas iek tšiňko aaňhibosko fendjibosko dielesko thaan katta rakkadam, ta panna buttiako streevibosko stedengo ta buttiako stedengo laňhibosko drouvibosta. Panna rakkadam dotta sar aro skoolibosko vejongo dielosta, te aro skoolibosko iek stedos ta panna aro iego professionaalo ringako laňhiba hyövyvaha butide ħaňtiba. Sar konkretikaano nm. buttiako dimnaskiirengo ta romaseelengo varresko angouviba mote butjaven mentorisha, kai aro buttia aaňhime mentorikaano staavelas it kaaleha ta ħaňtavelas les vaňka buttiako roodibossa.

## **It-veeriba ta romano kulturesko džorjibi aprude maňkurnes aro Kajanisko faniba**

Thaanengo fanibi aprude aro Kajanisko faniba 7.4.2017. Praal 40 komuja kaalengo organistionna, foorosko fallibosta ta thaanesko buttiakiirengo maňkarjata aane naal pengo iega džintibi ta fendjibosko alsibi sar te butjaven kaalengo it-veeriba ta tšiňko aaňhiba aro douva thaan.

Aro rakkiba aprude naal tšiňko aaňhiba aro froo dživibosko stedi ta doolesko vojime niegibi. It-veeribosko ta it-aaňhibosko phukiba aro kaalengo sakko diivesko dživiba hin panna maňkar, bi doolesko laňhiba hin neer. Panna rakkade but kaalengo kulturesko džorjibosta sar sosiaaluno ta tšiňka maaneerenna, so hin niina fuortune buttiako dživibosko hajibi. Aro faniba panna tšunde dikkiba aavime tiija ta suunade, te paalal pangň bereň thaanesko kaalen hin tšiňkas staavime skoolako veiji so liedavenas butide (kaalen) te len butti.

Pinsu starkimes so hin samlade fanibonna ta de to iego tenkibi fanibonna aro amengo verkosko paň [www.romani.fi/sanoista-tekoihin](http://www.romani.fi/sanoista-tekoihin).

## **Butide džaaniba hankibosta**

Henna Huttu, tšetanes tenkibosko (komiteosko) tšenstiboskiiri

[henna.huttu\(a\)stm.fi](mailto:henna.huttu(a)stm.fi)

Puň manna: Laavenna aro tšeeribi –hankiba, romanopolitika, romano saakengo komiteos ta Rompo 2 fäardiba

Leea Rautanen-Muhli, projektesko koordinatoris  
[leea.rautanen-muhli\(a\)stm.fi](mailto:leea.rautanen-muhli(a)stm.fi)

Puň manna: Laavenna aro tšeeribi –hankiba, verkosko paň ([romani.fi/sanoista-tekoihin](http://romani.fi/sanoista-tekoihin)) ta hankibosko fanibi

Sarita Friman-Korpela, spesiaalo saakako džaaniboskiiri  
[sarita.friman-korpela\(a\)stam.fi](mailto:sarita.friman-korpela(a)stam.fi)

Puň manna: Laavenna aro tšeeribi –hankiba ta EU:sko romanopolitika

Taina Mutanen, partjibosko sekreteros  
[taina.mutanen\(a\)stm.fi/ronk\(a\)stm.fi](mailto:taina.mutanen(a)stm.fi/ronk(a)stm.fi)

Puň manna: romano saakengo komiteos, ekonomi- ta vandribosko volliba